

Timmisartumi ilaasut amerlanerpaaffissaat pillugu Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi, §§ 12 a aamma § 29, imm. 2 aamma 3 malillugit aalajangersarneqarpoq:

Air Greenland-imit sapaatip akunneranut tikittussat amerlanerpaaffissaat

§ 1. Coronamut allattoqarfiata Air Greenland nalunaarfiggissavaa, sapaatip akunneranut Air Greenland aqqutigalugu tikittussat amerlanerpaaffissai qassiussanersut.

Timmisartuutileqatigiit allat tikinnissaanut piumasaqaatit

§ 2. Air Greenland-imiit timmisartuutileqatigiillu allat il. il. Kalaallit Nunaannut timmisartumik ilaasunik tikisitsinissamut kissaateqartut corona allattoqarfianut, akuersisummik qinnuteqassapput aamma taanna tikiinginnermi tiguneqassaaq.

Pineqaatissiissuteqartarneq

§ 3. §§ 1 imaluunniit 2-nik unioqqutitsisoq pinerluttulerinermik inatsit malillugu pineqaatissinneqarsinnaavoq.

Imm. 2. Ingerlatseqatigiiffiit il.il. (inatsisilerinermi inuttut immikkoortutut isigineqartut) pinerluttulerinermik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqaatissinneqarsinnaapput.

Imm. 3. Akiliisitsissutit Nunap Karsianut tutsinneqassapput.

Atuutilersitsinermut atorunnaarsitsinermullu aalajangersakkat

§ 4. Nalunaarut 3. maj 2021-mi atuutilissaaq.

Imm. 2. Nalunaarut 31. maj 2021 ilanngullugu atuutsinneqarpoq.

Peqqissutsimut Naalakkersuisoqarfik, ulloq 29. april 2021

Kirsten Fencker (sign.)
Peqqinnissamut Naalakkersuisoq

/ Tine Pars (sign.)

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut